



Agency for Development of Higher Education and Quality Assurance

Broj: 05-33-1-324-6/15

Datum: 27.04.2016. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09), imajući u vidu svrhu preporuke o akreditaciji da se osigura koherentnost i dosljednost tumačenja standarda i kriterija s obzirom da evaluacije provode različite grupe stručnjaka, u postupku akreditacije visokoškolske ustanove “CEPS-Centar za poslovne studije“ Kiseljak, na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, Ministarstvu obrazovanja, nauke, kulture i sporta Srednjobosanskog kantona, direktor Agencije daje:

P R E P O R U K U

da postupi u skladu sa mišljenjem Komisije stručnjaka i donese Rješenje o akreditaciji visokoškolske ustanove “CEPS-Centar za poslovne studije“ Kiseljak

O b r a z l o ž e n j e

Dana 29.04.2015. godine Agencija je zaprimila od Ministarstva obrazovanja, nauke, kulture i sporta Srednjobosanskog kantona Prijedlog za imenovanje Komisije stručnjaka broj:03-38-770/14-3 od dana 17.04.2015.godine, kojim je predložen minimalan broj članova Komisije stručnjaka po svakoj kategoriji. Agencija za razvoj visokog obrazovanja i osiguranje kvaliteta je od predmetnog ministarstva tražila dopunu Prijedloga Komisije stručnjaka u smislu dosljedne primjene ESG standarda, nakon čega je nadležno Ministarstvo obrazovanja, nauke, kulture i sporta Srednjobosanskog kantona, izvršilo dopunu po zahtjevu Agencije i izdalo akt broj:03-38-770/14-5 od 17.06.2015. godine i predložilo dodatne članove Komisije.

Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) (u daljem tekstu: Odluka), Agencija je u skladu sa članom 49. alineja 4) Okvirnog zakona o visokom obrazovanju u Bosni i Hercegovini, imenovala Komisiju stručnjaka Rješenjem broj: 05-33-1-324-4/15 od dana 20.07.2015. godine .

Dana 18.02.2016. godine Agenciji je od nadležnog Ministarstva dostavljen Izvještaj Komisije stručnjaka o eksternoj evaluaciji visokoškolske ustanove "CEPS-Centar za poslovne studije" Kiseljak, uz zahtjev za izdavanje preporuke o akreditaciji broj: 03-38-108/16 od dana 11.02.2016.godine. u kojem je data analiza, ocjena i revizija kvaliteta ove visokoškolske ustanove, te dato mišljenje Komisije da se akreditira visokoškolska ustanova "CEPS-Centar za poslovne studije" Kiseljak.

Uvidom u Izvještaj Komisije stručnjaka utvrđena je:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te da je u skladu sa Odlukom o normama kojima se utvrđuju minimalni standardi u području visokog obrazovanja u Bosni i Hercegovini i
- da suštinom jasno i razumljivo daje jasne ocjene ispunjenosti kriterija bazirane na dokazima, te mišljenje i preporuke za unapređenje kvaliteta po svakom kriteriju što Izvještaj čini relevantnim za izdavanje Preporuke o akreditaciji.

U skladu s Odlukom, Komisija je ocijenila ispunjenost devet kriterija za akreditaciju ocjenama, kako slijedi:


- a) Razvoj i strategija visokoškolske ustanove: potpuno ispunjen
- b) Upravljanje, unutrašnje osiguranje kvaliteta i kultura kvaliteta: potpuno ispunjen
- c) Procedure za osiguranje kvaliteta studijskih programa: znatno ispunjen
- d) Procedure za ocjenjivanje studenata: znatno ispunjen
- e) Ljudski resursi: potpuno ispunjen
- f) Kvalitet fizičkih resursa: potpuno ispunjen
- g) Informacioni sistemi: znatno ispunjen
- h) Prezentacija informacija za javnost: potpuno ispunjen
- i) Međunarodna saradnja: znatno ispunjen


Visokoškolska ustanova bi trebala po prijemu Rješenja o akreditaciji detaljno analizirati preporuke Komisije stručnjaka i napraviti akcioni plan u skladu sa Pravilnikom o postupku akreditacije visokoškolskih ustanova i studijskih programa Srednjobosanskog kantona i Odlukom. Akcioni plan bi trebao da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima;
- vremenski okvir za realizaciju preporuka, kao i potrebne finansijske i ljudske resurse i
- definisane mjerljive indikatore za praćenje realizacije Akcionog plana.

Uzimajući u obzir složenost i obimnost preporuka za unapređenje koje je dala Komisija stručnjaka, kao i obaveze visokoškolske ustanove koje su proizašle iz preporuka Komisije stručnjaka, Agencija na osnovu člana 49. alineja 5) Okvirnog zakona o visokom obrazovanju u Bosni i Hercegovini daje preporuku Ministarstvu obrazovanja, nauke, kulture i sporta Srednjobosanskog kantona da izda Rješenje o akreditaciji visokoškolske ustanove "CEPS-Centar za poslovne studije" Kiseljak, te isto dostavi Agenciji radi postupka ocjene usklađenosti Rješenja o akreditaciji s normama i kriterijima iz člana 48. alineja 1) Okvirnog zakona o visokom obrazovanju u Bosni i Hercegovini.

Direktor

Prof. dr. Enver ~~Hadžić~~ 



Dostaviti:

- *Ministarstvo obrazovanja, nauke, kulture i sporta Srednjobosanskog kantona*
- *"CEPS-Centar za poslovne studije" Kiseljak*
- *Sektor 05*
- *a/a*